

vedtekter 29.02.2008

§ 1.

Foreningen sitt namn er IKORNNES BÅTFORENING med sete i Sykkylven
Kommune

Laget sitt formål er å skaffe småbåtar fast hamn på Sørestranda og å vere ein sosial
maritim klubb.

Samt drive bassengdrift med kiosksalg, kjøp og sal av drivstoff og utleie av lokaler og
gjestebrygger.

§ 2.

Laget blir leia av eit styre som består av 5 personar. 1 formann, 1 varaformann og 3
styremedlemmer.

Varaformann, kasserar og sekretær skal veljast innan og av styret.

Under styret står valte komiteer.

Styrets formann pluss ett styremedlem tegner foreningen

§ 3.

Styret står for all forretningsverksemd, ivaretek laget sin økonomi, samankallar til
årsmøte og medlemsmøte.

Styret handsamar alle saker som kjem frå laget sine medlemmer, og som det er ynskje
om skal verte framlagt på medlemsmøte. Slike forslag må vere komne inn til styret
seinast 14 dagar før medlemsmøte vert halde.

Styremøte vert halde så ofte formannen finn det naudsynt.

Til styremøte kan valde komiteer innkallast. Disse har då ikkje stemmerett.

Styret er vedtaksdyktig når minst 3 medlemmer er til stades.

I situasjonar der det er stemmelikskap er formannen si stemme avgjerande.

§ 4.

Det ordinære årsmøte skal haldast kvart år innan utgangen av februar, og samankallast
av styre med 14 dagars varsel.

Det skal i innkallinga kunngjerast kva saker som skal handsamast.

For at årsmøte skal vere vedtaksdyktig, må der møte minst 1/5 av medlemmane.

Dersom ikkje tilstrekkeleg medlemmer møter, skal det innkallast til ekstraordinært
årsmøte som då er vedtaksdyktige uavhengig av antal frammøtte.

Årsmøte skal handsame følgjande saker:

1. Årsmelding.
2. Revidert rekneskap
3. Forslag som er innlevert til styre.
4. Val på styremedlemmer. Disse vert valde for 2 år i gongen.
Alle styremedlemmer kan ta gjenval, men har rett til å nekte gjenval for
like lang tid som ein har vore i styret.
2-3 medlemmar i styret står på val kvart år.
Val på 2 varamenn, som vert valde for 1 år i gongen, og valkomité på 3
medlemmar og 1 revisor. Desse kjem på val kvart år.
Etter at styret er valt, vel årsmøtet styreformann, eventuelt ved skriftleg
røysting.
Formannen står på val kvart år.
5. Fastsetje kontingenten

Årsmøtet sitt vedtak vert fatta med simpelt fleirtal, i fall stemmelikskap er formannen si stemme avgjerande.

Vedtak om lovending må avgjerast med 2/3 fleirtal av dei frammøtte.

Tillitsverv kan ved val påleggjast alle medlemmar.

§ 5.

Kontingenten skal betalast med den til ei kvar tid fastsette årskontingent. Denne skal betalast innan 14 dagar etter sendt krav.

Dersom eit medlem ikkje har betalt kontingent eller utført / betalt dugnad for dei 2 siste åra, kan styret etter å ha gjeve varsel, ekskludere vedkommande medlem.

§ 6.

Ved overtaking av båt plass blir vedkommande automatisk medlem i båtforeininga.

Leige av båt plass utover ein måned forpliktar medlemskap.

§ 7.

Styret kan om det er naudsynt, eller når det føreligg skriftleg ønskje med underskrift av minst 12 medlemmar, halde ekstraordinært årsmøte.

Dette må innkallast med 8 dagars varsel, samstundes som det vert kunngjort kva som skal handsamast.

§ 8.

Medlemmar er alle som har betalt innmeldingsavgift og årskontingent. Utmelding av laget må skje skriftleg til styret.

§ 9.

Medlemmar eller leigetakarar som vekker forarging og som kan vere til skade for laget, eller ikkje rettar seg etter laget sine lover, kan av styret bli suspendert og visast bort. I grove høve ekskluderast.

Slik avgjer kan av vedkommande ankast inn for første medlemsmøte som ved vanleg fleirtal tek den endelege avgjer. Eit medlem som vert ekskludert, mister samstundes retten til båt plass. Styret har då rett til å løyse inn båt plassen til kostpris.

§ 10.

Avgjersle om laget si oppløysing kan berre fattast med minst $\frac{3}{4}$ fleirtal på ordinært årsmøte, når minst 80 % av medlemmane er til stades.

Etter at avgjer om oppløysing er fatta, vert styret sitt forslag til nedlegging handsama og avgjort med vanleg fleirtal.